

Z cyklu: Òdjimczy słowã – 6 (Majewé)

Na majewé przëszlë lëdze
Òbstãpilë krziž
Czëc zdrowaszczì w równy sztëdze
A marijny spiëw...

W przòdk òdmòwiò gòspòdëni
Przëwtòrziwò chùr
Òd pòszëdłã, wòjnë, gòrzu
Niech òbarni Bóg...

Jesz Lëtaniò Loretańskò
Zmiłowaniów trój
Tej Mòdlëtwã zmówiã Pańską
A Téfk - ani mùk...

Stanãł z drodżi, zeza płota
Z cekawòscë zdrzi
Cëž sã w wëstrzódkù Èuropë
Dzeje w jegò wsy...

Nie nalëze w jinternetach
Dze bëlëca, charzc
Bë pòd Bòżã Mãkã pòtkac
Lud kòl zberkù dnia...

Same złożëłë sã rãce
"Zmiłujce sã" rzekł
A môj dali lubkò nãcył
Tëch, co drogã szlë...

Tómk Fópka, Chwaszczëno, 17 maja 2021 rokù, gòdz. 21.34